



C'est moi qui suis la résurrection et la vie
quiconque croit en moi, ne mourra jamais.

BENZIGER & CO.

DEPOSÉ.

ZINSIEDELN, SCHWEIZ.

Joseph

Dagodennagele
334

Sainte

Kahimale
on

nas Kathmud

Après le Catechisme.

Niāden, Sedenniū, Sasetsienten nonkbatonn-histon Saonkiriōniēn sasasonha.

Lakkbanitionkrahnirat nīsa, tosa nondenton aiaħbaribaiésatē ne Karibjoston; aiaħdens tēħħnon luottion aiaħbariðanoron kħażże, aiaħkina kien natħoiata tkentonne, nox iħiakku tōreñne. Kaxheha ne Karonhiäke.

Sāri Sacatalokenti Jesos hetsatidet, Tose Sacatalokenti, Sāri teseniterontakħe, Jesos hetsiseneħiāron, teliāron nīsa hetsisenin kien nasont kħadid tiniżże, Karonhiäke tinen-wikkattonn kħotken, ethona iāden.

Itho ionkħatakkashen tsi tħiġi Sacatalok... nū ħetsienha tosa skenronni ħi tħiġi tħalli... tħalli, nox oħnejn neni ionkħad iā... tħadha ne Karor, askħa iata non statsekkie ne ionħaronneċċiha, u ġiet sejn aktar iħi... Sacatalokha tħalli. Ethona iāden.

Avant le Catechisme

Rasemation Ronihé, not. Roienha, not. Rotton S. et

Jesos îse ak̄ha tak̄banōbes iaktionk̄de,
āsek̄en ii tak̄banēenton onk̄de t̄i
satōnhon; s̄erōn ak̄herion̄niens t̄i
naic̄iēre raiontsen̄nōni Karonhiāke.
Les kānēre nōnba t̄ini cont̄dentent hen
iak̄batard̄ien, iak̄bateientāne: iah̄te
8atons öh̄sa othenon aiak̄badeientēhtāne
niak̄tens k̄laienadās̄ere. Tak̄dēnter kāt̄,
tak̄danik̄honbōsānat n̄sa, n̄iosn̄rēnn
aiak̄badeientēhtāne t̄i naiahk̄aiēre
nash̄aiaton̄dest̄ben tsinēnde eniaktion
aiābens ask̄baitiōnte Karonhiāke
tsineniak̄dēnh̄ie: ethonaiāden.

La suite, à la page 26 et suivantes du Catechisme

KERIWAIENSTAKWA

NE

KARIWHOSTON TEIEIASONTA.

5^{on} TEIOTATERISTORARAKON.



TIOHTIAKE.

TEHORISTORARAKON BEAUCHEMIN.

1904.

IMPRIMATUR.

MONTRÉAL, le 8 janvier 1904.

† PAUL, *arch. de Montréal.*



IONTERIWAIENSTAKWA

NE KARIWIIOSTON TEIEIASONTA.

I. IAKORIWIIOSTAKON.

I. TEIEIASONTA.

1. *Sariwiioston ken ?*

Wakeriwiioston, rakitenron ne Rawennio.

2. *Onka iakoriwiioston iontatiats ?*

Ne iakotenekwaheston, akwekon iontontats tsini hawennoten Iesos.

3. *Nahuten akoteniententsera niakoriwiioston ?*

Tsi teieiasontha.

4. *Tetsiasonten.*

† Rasennakon Roniha, nok Roienha,
nok Rotkon Roiatatakenti ; ethonaiawen.

5. *Katke nataieiasonten ?*

Tsinaehie, tsi nakotawe, tsi naonteren
naien, tsinateiontskahonne, tsinaekwen-

tane, nok oni ne watiakotonharenron othe-
non aiakonikonhrotako notkon.

6. *Oh niiawens natieiasonten ?*

Ok sa ok ontako n'Otkonseraksen ;
senha wasakononwene ne Rawenniio, wasa-
koianerenste oni.

Niawen satenekwaheston,
Sataskat tsi tetsiasontha,
Iesos Kristos hetsienter ;
Hetsenonwenn, hetsenenton.

Niawen, Iesos Sewenniio,
Ionehrakwat takitenron ;
Askon n'akonnoronkwake,
Askon n'akateweienton.

II. TSINIHAIA TOTEN NE NIIO.

7. *Onka ionkwaiatison ?*

Niio sonkwaiatison.

8. *Nahoten raweron tsi sonkwaiatison ?*

Raweron : aionkienterihake, aionke-
nonwehake, aionkewennarakwake oni tsi-
nenwe eniakonnheke, nok nentiakoriwaie-

riton eniontsennoni karonhiake tsi nenion-tonnhokten.

9. *Toni haiatoten ne Niio ?*

Raonikonhroskon, iah othenon tetiotokte tsini haiatoten ; rorohison, raonwentsison ; akwekon oni raonhatsiwa rawenniio tsi tionnhe.

10. *Nahoten aoriwa tsi ionton : raonikonhroskon ?*

Ne aoriwa tsi iahtehaiatonte ; iahtehaiataieronni ; iah kati taonton ahonwaken nonwentsiaké iiens.

11. *Kanihenteron ne Niio ?*

Oktiwakwekon renteron ; karonhiake, onwentsiaké, onwentsiakon oni.

12. *Ohnihatierha karonhiake ?*

Sakotsennonniatennis ne tieteron.

13. *Ohnihatierha nonwentsiaké ?*

Oriwakwekon ratsteristha.

14. *Ohnihatierha nonwentsiakon ?*

Sakohrewatha notkonseraksens ; etho oni - sakoiatonties nonkwe iakoriwanera-hakskon.

Ise, Niio, takiatison,
 Ise takonnhetonhaties,
 Ikehre : riwennararakwak,
 Karonhiake takatentsa.

Iakotaskat ronwanonwes,
 Iakotaskat ronwanentons,
 Nonwentsiake ronwaskaneks,
 Karonhiake ronwatkathos.

III. ASEN SERATOKENTI.

15. *Thotasawe ken ne Niio tsi ronnhe ?*

Iahnen ; ok sironnhe, tiotkon oni enh-
 ronnheke.

16. *Tonihati ne Niio ?*

Saiatat ok, iah taonton tohka nahati-
 hake.

17. *Tonihati raonhakon ne Niio ?*

Asen ; Roniha, Roienha nok Rotkon
 Roiatatakenti.

18. *Niio ken ne Roniha ?*

Niio ne Roniha ; Niio ne Roienha ; Niio
 oni ne Rotkon Roiatatakenti.

19. *Asen katiken nihati ne Niio ?*

Iahten ; ne ok ne asen natehaiasere ;
saiatat ki ok tiotkon ne Niio rawenniio tsi
tionnhe.

20. *Onka rakowanen nasen nihati ?*

Ok satehonnas, aseken skanikonhrat,
skawenniioserat oni tsi asen nihati.

21. *Akwekon ken tehakanere ne Niio ?*

Akwekon tehakanere, aseken oktiwa-
kwekon thenteron ; tehakanere oni tsini
iakonikonhrawens akwekon nonkwe.

Ok si hanakere Niio
Tiotkon oni enhronnheke ;
Shaiatat ok, asen tenhnon
Natehaiasere Niio.

Iken : Roniha, Roienha,
Rotkon Roiatatakent :
Ok satehonnas, shaiatat
Tiotkon tsi asen nihati.

IV. ONKWE ROTATONNI.

22. *Kanikaien nasen nihati onkwe rotonhon ?*

Nene Roienha, Iesos Kristos Sonkwa-
wenniio ronwaiats.

23. *Onka ronwateweton Jesos Kristos ?*

Wari ioiatatokenti iahte kanakwaienteri.

24. *Oh niiawenhon tsi ioteweton ne Wari iahte kanakwaienterihne ?*

Raonha ne Rotkon Roiatatokenti roson lesos raieronke nok raotonnhetston Wari kaiatakon.

25. *Nahoten raweron Nio Roienha t.i onkwe rotonhon ?*

Raweron: aonsakenerensi nonkwe iakkonaskwaiantakwe notkonseraksen; aonsakeriwahtonte ne kariwaneren; aonsakeskontako nonkwe onwentsiakon taiakotonn-hakarihon.

26. *Tokenske katiken aiakotkaronnihon nonkwe, niah onkwe tahotonhon Nio Roienha ?*

Tokenske akwekon nonkwe aiakotetsiraton nonwentsiakon.

27. *Toni wenniseroten rotonni Nio Roienha ?*

Ne nonwa konwaiats Sahatonni rawenisera.

28. *Ohni hoieren nonwentsiake sireskw ne Iesos ?*

Sakorihonnienni nonkwe tsi naieiere
naiakoiatatokentonhake; sakoseronnienni
oni ioianerenstakwa nakotonnhetston; sa-
koronhiakense, sakawenheiase oni.

Toni ioriwanehrakwat!
Niio onkwe rotatonni,
Iesos Kristos ne ronwaiats,
Nene sesonkwaskontakwen.

O Iesos takewennio!
Konsennaiens nok konnentons,
Hiatatienha Rawennio,
Wari oni hiatatienha.

V. SESAKOSKONTAKWEN.

29. *Rawenheion katiken Niio Roienha onkwe rotonhon?*

Rawenheion tekaiasontne, ne rawen-
heiaton tsini sakononwehon nonkwe; ra-
weron: ii akiheie, akaonha aiakonnheke
nonkwe nok aiakoientake aiontsennonni
karonhiake tsinenwe.

30. *Toni wenniseroten rawenheion?*

Ne nonwa konwaiats *Ronwaiatanentak-tonne* rawennisera.

31. *Toni wenniseroten shotonnheton ?*

Ne nonwa konwaiats *Sonsahatonnhet*e rawennisera.

32. *Toni wenniseroten karonhiake ieshawennton ?*

Ne nonwa konwaiats *Iesos karonhiake sonsarete* rawennisera.

33. *Toni wenniseroten thonnhaoñ ne Rotkon Roiatatokenti ?*

Ne nonwa konwaiats *Rotkon Roiatato-kenti* rawennisera.

34. *Ka thenteron nonwa ne Iesos ?*

Niio tsini hαιatoten, oktiwakwekon thenteron ; nok Onkwe tsini hαιatoten, karonhiake Okaristiakon oni renteron.

Sonkwaronhiakense Iesos,
Rawenheion kaiasake ;
Taonken sonkwanonwehon !
Taonken hojatanonwet !

Shotonnheton, sekon sronnhe,
Ieshenteron karonhiake,
Okaristiiakon oni
Roiatasetakwenhaties.

VI. KARIWANEREN.

35. *Nahoten ne kariwaneren ?*

Kariwaneren konwaiats, tsi ronwa-wennonties ne Rawennio, nok tsi konwa-wennonties ne Kentiohkwatokenti.

36. *Tonioriwake tateioriwate ne kariwane-ren ?*

Teioriwake : enskat kariwanerahakserakaion nok enskat kariwanerahakserase.

37. *Nahoten ne kariwanerahakserakaion ?*

Ne kariwanerahakserakaion konwaiats, ne raotiriwanerahaksera thonatierenton nonkwe ; tewakwekon tionkiriwanerahakserarhon setewennakerate.

38. *Nahoten ne kariwanerahakserase ?*

Ne kariwanerahakserase konwaiats, nok ii ne tionkwe tewatsenries, ii tewatateriwanerahakserarhos, nonen ionkwani-konhroton nonwentsiake.

39. *Toni iotitiohkwake ne kariwanerahakserase ?*

Teiotitiohkwake ; enskat ioriwatsanit nok enskat kennioriwasha.

40. *Nahoten ne ioriwatsanit ?*

Ioriwatsanit konwaiats, ne akwa ioiataksatha nonkwatonnhetstou, skarisions ioianerenstakwa, ionkwannhotons karonhiake, nok ionkwananaktaiennis nonwentsiakon.

41. *Nahoten ne kennioriwasha ?*

Kennioriwasha konwaiats, ne okieken iotsiiotonnis nonkwatonnhetston, kentaksatha oni ioianerenstakwa, iah sane akwa teskarisions.

Ise sheriwahontontennis
Iakoriwaneren nonkwe ;
Sewenniio, takiatokef,
Iesos, takiatatokentist.

Ise iontekwasentakwa
N'iakoriwanerahakskon,
Wari senistenserjio,
Aswaterennaienhase.

VII. KONTIRIWANERAHAKSERAKWENILOS.

42. *Tonioriwake ne kontiriwanerahakserakweniios ?*

Tsiatak nioriwake : kanaiesera, kanionsera, kanakwaiiesatsera, kanosasera, iakaores, kanakwensera, nok iakentorha.

43. *Nahoten ne kanaiesera ?*

Kanaiesera konwaiats, ne sotsi iontakonnienstha nakaonha nok iontatkenhronnis nakoren, iienhre : ii senha wakiata-nehrakwat.

44. *Nahoten ne kanionsera ?*

Kanionsera konwaiats, ne sotsi iakonikonhranentakon ne kaientaon nonwentsiake.

45. *Nahoten ne kanakwaiiesatsera ?*

Kanakwaiiesatsera konwaiats ne ionsteristha ioteriwatehat sonha.

46. *Nahoten ne kanosasera ?*

Kanosasera konwaiats, ne iakotatenikonhrotakwen nakoren waontsennonni.

47. *Nahoten ne iakaores ?*

Iakaores konwaiats niateionterientarha tsi teiontskahons nok tsi iehnekirha.

48. *Nahoten ne kanakwensera ?*

Kanakwensera konwaiats, ne sotsi

ontorianeron nakonikohra, iakonnhas aiontatswen.

49. *Nahoten ne iakentorha ?*

Iakentorha konwaiats ne iakoterihonkohtennitskon kariwiostonke, nok oni ne ionnikonhroktha kaiotensera sonha nonwentsiake.

II. IAKORHAREKON.

VIII. IOIANERENSTAKWA.

50. *Nahoten ne Ioianerenstakwa konwaiats ?*

Ne Ioianerenstakwa konwaiats, tsi sakotenre ne Rawennio, sakowis naiakoianereke nonwentsiake, naiontsennonni nohnaken karonhiake.

51. *Nahoten sonkwentenratha ne Rawennio ?*

Akwekon ne sonkwentenratha tsi sonkwaronhiakense nok sonkweneheiase Iesos.

52. *Iah katiken taonton nok akaonha aienrheke aontakeriwaijerite ?*

Iah nonwenton tiianton, niahtasakoienawasere ne Rawennio.

53. *Oh neniaokoiatawen ne ionteraiatakwa tsi tesakoswatetennis ne Rawennio ?*

Asatakon eniakonnheke, nok kariwanaerahakserakon eniontonnhokten.

54. *Oh niot tsi sonkwentenre ne ioianerenstakwa ?*

Arens sonkwani konhratas tsi tewaternnaiens ; nok ne senha kontihawaniions nioianerenstakwa okon, n'Oriwatokentikowa konwaiats.

Arens sonkwani konhratas,
Sonkwanonks ne Rawennio ;
Tosa tewateraiatak,
Ok sa hetsitewatontats.

Iah nonwenton tiianton
N'aetewatewei enton
N'iahtasonkwawire Niio
Ne raoianerenstakwa.

IX. ATERENNAIEN.

55. *Nahoten ne ionterennaiens ?*

Iontere nnaiens konwaiats, Rawennio -

ke iontennikonhrenhawitha nahonwawen-nioste nok nahonwennitentase.

56. *Rathontats ken ne Rawenniio tsi ionterennaiens ?*

Rathontats ne iakonitenton, niatekon sakotenre.

57. *Katke n'oteriwison naionterennaien ?*

Arahonne tsi naontketsko, tsi nakota-we nok tikate ne watiakotieronnionse othe-non nonwentsiaké.

58. *Oh neniaikoiaawen niahte ionterennaiens ?*

Entsiakoteriwahtonse tsi iakoriwioston, nok enwatatenaskwaienhase notkonse-raksen tsi iakonnhe.

59. *Raonhaa ken ronwennitentase ne Rawen-niio tsi ionterennaiens ?*

Tahten : ranonwes oni nakonwennitentase Wari, ahonwennennitentase oni Eron-hiakehronon nok n'Akoiatatokentison, naionkiwennakaratate tsi tewaterennaiens.

60. *Kanikaien ne kontiiatakweniios ionteren-naientakwa ?*

Ne 1° Takwaienha ne Iesos roteren-naientakserison ; 2° Wari tekonnorokwa-

nions, ne raotiwenna ne Raronhiakehronon, Arisawet ioiatatokenti nok ne Kentiohkwa- tokenti.

61. *Onka ioson noia sonha ionterennaienta- kwa ?*

Nene Kentiohkwatokenti nok n'Akoia- tatkentison.

Tiotkon tewaterennaien,
Tiotkon ionkwanientonhak,
Niatekon tentewatentsa,
Ensonkwentenranion Niio.

Ionwesen aionterennaien.
Iawet Niio taehtaren :
Iakotaskat n'ieweiente,
Sakotsennonniatennis.

X. ORIWATOKENTIKOWA.

62. *Toni karihoten n'Oriwatok ntikowa ?*

Oriwatokentikowa konwaiats ne na- kwah raonha Iesos roriwison naiakoiatato- kentiste nonkwe.

63. *Nahoten kanoronstakon n'Oriwatokenti- kowa ?*

Ne kanoronstakon n'Oriwatokentikowa, tsi etho roien Iesos tsinikon sonkwatsennonniatenni sasonkwaronhiakense ssionkwenheiase oni.

64. *Tonioriwake n'Oriwatokentikowa ?*

Tsiatak niioriwake : Iontatenekwahestha, Iontatkentsiokhas, Okaristia, Sewatateronkwenni, Iontatiatokhas teiakokonhentons, Iontaterihontakwa naiehasen, nok Tewateranekenseratokenti.

65. *Toni karihoten Iontatenekwahestha ?*

Iontatenekwahestha konwaiats, Oriwatokentikowa ne skarakewatha kariwanerahakserakaion, kariwanerahakserase oni aikoriwaientake ; ionkwaniserawis ne Rawenniio, nok ionkwanistenserawis Iesos raotiohkwatokenti.

66. *Oh naieiere naiontatenekwaheste ?*

Aiehnakaweron enontsine, aiairon : "Wakonnekwaheste rasennakon Roniha, nok Roienha, nok Rotkon Roiatatokenti."

67. *Toni karihoten Iontatiatokhas teiakokonhentons ?*

Iontatiatokhas teiakokonhentons kon-

waiats, Oriwatokentikowa ne tsiotsientha
tsi teiokonhentons onkwatonnhetston ;
arens oni tsiotsientha nieronke naonsaion-
ton tsi iakononwaktani.

68. *Toni karihoten Iontaterihontakwa ne ratihasens ?*

Iontaterihontakwa ne ratihasens kon-
waiats, Oriwatokentikowa ne Iesos ronwari-
wawase oriwatokenti sonha, nok rotiienan-
wase oni ahotiriwaieritonhatie tsini honate-
rihonte nonwentsiake.

69. *Toni karihoten Tewateranekenseratokenti?*

Tewateranekenseratokenti konwaiats,
Oriwatokentikowa, ne iatekakonte teiako-
rahnekens, iawet tsionkwetat akenhake ne
teionkwetake, nok iakoienawase oni kari-
wiiostonke aiontatehiaron ontatienha en-
kenhake.

Oriwatokenti kowa
Tsiatak nihoriwisannhon
Ne Iesos Sonkwawenniio,
Thetsitewanonweratont.

Ne sonkwaiyanerenstakwa,
Sonkwaiatokentistha,

Sonkwani konhriostakwa,
Sonkwani konhrahni ratha.

XI. SEWATATERONKWENNI.

70. *Toni karihoten Sewatateronkwenni ?*

Sewatateronkwenni konwaiats, Oriwatomkentikowa ne skarakewatha tsini iakoriwaneren tsinahe tiakotenekwaheston.

71. *Akwekon ken skarakewatha nok oni ne ioriwatsanitenions ?*

Akwekon skarakewatha, kawennio aieriwaierite oriwakwekon tsini hotenienten ne Rawennio

72. *Tonioriwake aieriwaierite naonsontera-kewe ?*

Asen niioriwake : 1° Aonsaiontatrebate ; 2° ahonwarihoktase ne sesakoronkwennis tsinikon iakoriwaien niotaksen ; 3° taonsaieriwaserako.

§ 1 AONSAIONTATREWATE.

73. *Toni karihoten aonsaiontatrebate ?*

Aonsaiontatrebate konwaiats, akwa aonsaieriwawenseke tsi iakoriwaneren,

rok aionterientasahaseke iahtaonsaieriwannerake nohnaken.

74. *Aonton ken nakaonhatsiwa aonsaieriwawenseke tsi iakoriwaneren ?*

Iah taonton, tsi ok ahonwaneken ne Rawenniio asakonikonhrāta naieriwaswen tsi iakoriwaneren ; nok oni taieiatōrēte nakaonha tsini ioriwake ieriwaswatha ne kariwaneren.

75. *To naieiere aieriwawate ne kariwaneren ?*

Taieiatorete aonhaa ne kariwaneren : 1° ronikonhraksatha ne Rawenniio iahtiaiehewe tsini hoianere ; 2° roiatantakton Iesos tekaiasontne ; 3° ne oni wahetken onwe ; 4° ionkwanktaiennis nonwentsiakon tokat tsi tetieseronniatha ; 5° ionkwannhontons karonhiake.

76. *Nahoten ietokatha tokenske tsieriwawens tsi iakoriwaneren ?*

Ne ietokatha, 1° tsini iosatste iakonikonhranonwaks ; 2° tsi wahonwariwaienhase sesakoronkwenni tsinensakoierase ; 3° ne oni tsini iontsteniarons taonsaieriwaserako.

77. *Akwekon ken iontsennonniatakwa ne ieri-hoktha Tsiontonnhakanonniatha ?*

Iah akwekon te iontsennonniatakwa, iken notiake ne ok ne iontsorianeronkwash, iah se tokenske tetiakawehtakwen nakaweriane.

78. *Sewaterakewas ken tsi iakoriwaneren ne tsioriwat iahte tsieriwawens ?*

Iah othenon te sewaterakewatha; tsi ok akwekon satetsieswens ne ioriwatsanit nahoten, ne ok ensewaterakewe akwekon.

79. *Onka senha oriwiio tsi tsiakotatrewaton ?*

Ne konwaiats senha oriwiio tsi tsiakotatrewaton, nene niatehaiati ne Rawenniio raoriwa tsi tsiontatrewhatha, tsini iahtiiiae-hewe tsini hoianere.

80. *Nahoten iontsennonniatakwa netho niiot tsini tsiakotatrewaton ?*

Ne iontsennonniatakwa ok sa ok sonterakewe n'akoriwanerahaksera, kawenniio ki ionskaneks naonsaiontateronkwase.

81. *Onka ne tikenha oriwiio tsi tsiakotatrewaton ?*

Ne konwaiats tikenha oriwiio tsi tsia-

kotatrewaton, nene neok tsiontatrewatokwa tsini wahetken ne kariwaneren, tsi oni nietsanis noneshon, nok tsini iennhatens ne karonhiake.

82. Nahoten iontsennonniatakwa nehniiot tsi tsiakotatrewaton ?

Ne nennee iontsennonniatakwa, ensewaterakewe sane nakoriwanerahaksera, tsi ok tenhnon ensakoterennaienhase ne skarakewatha.

83. Nahoten iontsennonniatakwa, ne ok aoriwa tsiontatrewatha nothenon sonha nonwentsiaké ?

Iah othenon te iontsennonniatakwa, aseken iahtehaiatare ne Rawennio tsi tsia-kotatrewaton.

* * *

84. Iah ken taonsonterakwe tsi iakoriwaneren iahte iakoterientason ?

Iah enskatha taonsonterakwe ; okeken senha ronwanikonhraksatha ne Rawennio, ne ronwawennoretakwa tsi iontons, onen sewakatonnhakanonni, iahse tokenske te-ken.

85. *Nahoten ietokatha tsi iah tokenske teiakoterientason?*

Ne ietokatha, onen tsini tiawenhon iontsteristha kariwaksenskwe okon ne ionts-teristak we arekho tsi tsiontateronkwenni.

86. *Senha katiken ioriwatsanit naonsaiontsteriste kariwaksen tsiakorihontionne?*

Senha ne ioriwatsanit, aseken ronwa-kenrenseronnis ne Rawenniio sakotenronne.

87. *To kati niiakoiatawens niakoriwaneraha-kkon, tiotkon sane tsiontateronkivennis nok iahte tsiontatrewhatha?*

Iah othenon te tiotkte tsini iakoriwa-nerenhaties, senha iontatenikonrahni-rats kariwaksenke, iahtetsietsanis naeriwa-nerake, nok oni sewatierens oktontaiawen-tsi waiheie, iahte tsiakotatrewhaton.

§ 2. AHONWARIHOKTASE.

88. *To naieiere naiekweni ahonwarihoktase?*

Aieriwiwake tsi iakoriwaien niotaksen.

89. *To naieiere naieriwiwake?*

Aiontiatarako tsi ionkwehne, ahonwen-nitentase ne Rawenniio, aiairon ; “ Sewen-

“ niio tsi konnhe, ige saterientare tsini wake-
 “ riwaneren, aseken iah othenon te sanekhe-
 “ rens; takitenr kati aonsakehiarane tsini-
 “ kon konnikonhraksaton, aontiesenhake
 “ taonsakeriwaserako tsi sekon skennen
 “ ikes nonwentsiake, tosa askrewate non-
 “ wentsiakon tsi nenkatonnhokten.”

90. *To nonwa naieiire?*

Skennenha taieiatorete noieri niha-
 wennake ne Niio, ne tsiatak nikawennake
 ne Kentiohkwatokenti nok ne tsiatak
 kontiriwanera-akserakweniios.

* * *

91. *Oh naawen, ioriwatsanit iakoriwaseton;
 tsioterakewen ken notiake tsi iakoriwaneren?*

Iah enskātha tetsioterakewen; ne tenh-
 non senha ioriwatsanit iakoriwanerahak-
 ton, aseken iakoriwaijesaton sewatateron-
 kwenni.

92. *To naieiire nonen sesakoronkwennire?*

Tsinonni ieteron aierihokten tsiontate-
 ronkwennitha. Ethone taiontontsoten tsin-
 nonni henteron ne sesakoronkwennis, ne ok
 iekenha aiairon: “ Niio, wakerihoktase tsini-

kon wakeriwaien niotaksen, nok oni nise,
Rakeni."

93. *To nonwa naiairon?*

Aiontrori tsinahe tsiontateronkwenni, tokat sakoterennaienni skarakewatha tokat iahten ; nok sa ok ahonwarihoktase tsinikon iakehiare, skariwanerahakson aienaton toni ioriwake ethoniiakoieren.

94. *To naieiere nonen iakorihokte tsi iakoriwaneren?*

Ethonikon kehiare, Rakeni, akwekon saka-tatrewate nok oni tsinikon iahte kehiare ; askitenre, askenatonhase taonsakeriwaserako.

95. *Tonaieiere nonen wasakoterennaienhase ne skarakewatha ?*

Ehone akwa aionkwisron nakonikon-hrakon aonsaiontatrewate ; aienrheke, iah nonwenton taonsakeriwanehase nohnaken ; nok skennenha aierihokten *Tsiontonnhakanonniatha.*

§ 3. TAONSAIERIWASERAKO.

96. *Nahoten ne teskariwaserakwen konwaiats?*
Teskariwaserakwen konwaiats, tsi

shonwanikonhraseronnis ne Rawenniio ronwasentennihne, nok oni tsiontatenikonhraseronnis nonkwe, iontatenikonhrakstanne.

97. *Nahoten shonwanikonhraseronniatha ne Rawenniio ?*

Ne shonwanikonhraseronniatha : atatiesaton, atatitenron, entakon, karonhia-kenhon, tewateriwaserakwatha; ne senha aieriwaierite tsi nahoten ensakonatonhase sewatateronkwennike Iesos roriawase.

98. *Nahoten tsiontatenikonhraseronniatha non-tatekenson ?*

Ne tsiontatenikonhraseronniatha naon-saiontatieritse tsini iontatkaronni.

O Iesos ! akwa kaskaneks
N'aonsakatatrewate,
Aonsaisonkeronkwase,
Takitenr, tosa kátiesat.

Sewenniio, askitenre,
Tetswatet n'akenikonhra,
Tasrite n'akweriasa,
Tasnerensi n'akwennasa.

XI. OKARISTIA.

99. *Toni karihoten Okaristia ?*

Okaristia konwaiats, Oriwatokentikowa, ne roiatasetakwenhaties raonha Iesos Sonkwawenniio, akwa tsini haiatoten karonhiake, iken ne raieronke, raonekwensa, raotonnhetston akwekon oni ne raoniiosera; etho ionatasetakwenhatie tsi kaieronni kagnarok kenha, otsitsia kenha oni.

100 *Katke nihoriécison Iesos Okaristia ?*

Entakta tsihonwariosere.

101. *Nahoten raweron tsahariwisa n'Okaristia ?*

Raweron, tiotkon akariwateke kariwiostonke tsini hoieren sahonwario.

102. *Oh nihoyeran sahonwario ?*

Rowennioston Niio Roniha ne raieronke, raonekwensa nok raoronhiakensera, ne taonsahariwaserakwate tsini iakoriwaneren nonkwe.

103. *Thahtenties ken Iesos karonhiake nonen wahatién n'Okaristiakon.*

Iah heren tehrétha ; thenteron karonhiake renteron oni Okaristiakon, aseken iah othenon tehonoronse.

104. *Tekiattihen onte ken n'Okaristia, ne tekaiasonte ?*

Akwa eso tsi tekiattihen ; iken ne tekaiasonte ne ok watenientenstakon tsi ronwaiatanentakton ; nok n'Okaristiakon tokenske onwe renteron.

105. *Oh nihatierha Iesos Okaristiakon ?*

Onen tsini tiawenhon shonikonhrase-ronnihatiies ne Roniha tiotkon ronwanikonhraksatanions nonkwe ; sakotenranions oni onka kiok wahonwaiatisake nok oni saktiennis ne ronwanaktotani nakonikonbrakon.

106. *Toni ioterihonte n'Okaristia ?*

Tekeni teioterihonte, Rawennioke, tenhnon onkwehne, aseken aonha n'Okaristia tetsiakorahnekens nonkwe nok ne Rawennio tehonatekhasionne.

* * *

107. *Oh niiot tsi ioterihonte ne Rawennioke nonkwati ?*

Ne tsi iatetsiotatawi naonnise katseen sonha ronwaienniskwe ne Rawennio,

nok nonwa ne ok shonwaiennis Iesos raier-
ronke nok raonekwensa ; nene *Iehasens* kon-
waiats.

108. *Toni karihoten Ohaseratokenti ?*

Ohaseratokenti konwaiats, tsi rahasens roriwaiennis ne Rawenniio Iesos raier-
ronke nok raonekwensa.

109. *Teskiantieren katiken tsi iakohasen tsini hoieren sahonwario ?*

Akwa ok ne saoriwat wataties ; sekon nonwa niate kahaserake iakohasenton sesonkwaskontakwenhaties.

110. *Nahoten ieherha tsi iehasentakwa nonen iehasenne ?*

Kanatarok ieherha otsitsia oni.

111. *Tiotkon onte ken kanatarok iken otsitsia oni ?*

Iahten. Tsinahawennahnnoton ne rohasen tsini hoieren Iesos sahasa n'Okaristia, ethone natesewattenies ne kanatarok otsitsia oni, Iesos raieronke nok ranekwensa watons.

112. *Iakonaktote ken noktiiakonkwesonha ahon-*

*waienhase ne Rawenniio Iesos raieronke nok
raonekwensa ?*

Ok eken ioteriwison niakoriwiioston okon tsi ionterennaiens taiakoi恒awakon ne rohasen, nahonwaienhase Iesos raieronke nok raonekwensa, aienrheke: akanoronke tsi katerennaiens.

* * *

113. *Oh niiot tsi ioterihonte onkwehne nonkwati ?*

Ne nennee tsi sakotiennis naeiatarane, ratsientāni nakotonnhetston, aiakonikonkatsteke tosa aiakosenni notkon, tsi iieks ne raieronke nok raonekwensa ; ne *Oriwatomtentikowa* konwaiats.

114. *Sonkwannhaon ken ne Rawenniio naetewaiataraseke Okaristia ?*

Akwa sonkwannhaon, ensakohrewate oni niahte iontsteristha asakotienhase, iken ronwanaktanhese akaweriane, katkeha oni ne raonha ensesakonaktanhese karonhiake.

115. *Nahoten iontsennonniatakwa naeiatarane?*

Ne iontsennonniatakwa tsi raonha Ie-

sos sakotiennis onwe akwa tsini haiatoten karonhiake ; ne oni iontsennonniatakwa tsi akwa wahaianerenste nakotonnhetston.

116. *Akwekon ken iontsennonniatakwa naeiatarane ?*

Iah akwekon te iontsennonniatakwa ; otiake okeken senha iakotatkaronnionhatie tsi sakotiennis.

117. *Oh nakentiohkoten niah othenon te iontsennonniatakwa tsi sakotiennis ?*

Nene kentiohkwaksenskwa, iakoriwaseton sewatateronkwennike ; nok otiake oriwakwekon sane ronwarihoktani ne sesakoronkwenni, nok iahte tiakonikonhrasahaton niatekakonte aonsaiakorihonti ; nok otiake tsiniiot ne iontennowentha nahenterontake Okaristiakon.

118. *Toni karihoten naontiesate tsi sakotiennis ?*

Ne aonhatsiwa ioriwatsanit tsinikon ieriwanerahaktha nonwentsiake.

119. *To naieiere naienrheke, tosa akatiesate ?*

Aonsaiakorihonti tsini iakoriwannhikonhaties ; akonwatekwenniheke ne kari-

waksen, nok akonwehiarontie tsi iakori-wiioston.

120. *To naieiere ne iakotahitakhe ahonwaien-terhane ne Rawenniio ?*

Niate wenniserake ahonwanekennihe-ke nasakotenre, karo naiaiheie, tosa non-wenton aiontiesate tsi ensakotienhase.

121. *To naieiere nonen sakotiennire ?*

Akwa aionteweienton tsini kahaseres ieatarasere ; aierihokten ieatarastha.

122. *Akawentakon ken niienhre, akiatarane ?*

Akwa akawentakon ne skennen tiakkonnhe. Asonthen naontaiontasawen niah othenon taonsaieke, iah oni othenon taon-saiehnekihra.

123. *Teiontskahons ken n'Okaristia ?*

Iahta teiontskahons ; ok skennen ta-honhnekwane.

124. *Tsi tehaiaks n'Okaristia, iah ken tate-hoiaitiaks Iesos ?*

Iahten ; ne ok tehaiaks tsi kanataraie-ronni.

125. *Kanonkwati raiatare Iesos nonen teiako-khasion n'Okaristia ?*

Oktatetsiaronkon tehaiatare.

126. *Tokat kenniwaas sakonnhonton, raiatakwekon ken sakotienni ?*

Raiatakwekon sakotienni, aseken raiatananon Okaristiakon.

127. *Tokat tekaiasere ensakonnhontho, tekeni ken tensakotienhase ?*

Iahten ; enskat ok ioriwentaon ensakotienhase.

Okaristiiatokenti,
Konwenniostha tsi konnhe,
Konnoronkwa, konniahesen,
Konsennaiens nok konnentons.

Sase iahte konkens, Iesos,
Tsi nonwa nisataseton,
Senha ok eken kaskaneks
Ok sa n'askwataweiaten.

XIII. IONTATKENTSIOKHAS.

128. *Toni karihoten Iontatkentsiokhas ?*

Iontatkentsiokhas konwaiats Oriwatkentikowa tsi sakotiennis ne Rotkon Roiatatokenti, nasakonikonhrahnirate, ne tosa aiakosenni notkonseraksen nonwentsiake.

129. *Onka ne Rotkon Roiatatakenti ?*

Ne nashen rathontha nashen natehaia-sere ne Niio.

130. *Rawenniio ken ne Rotkon Roiatatakenti ?*

Akwa ne sahaiatat Rawenniio ne Roniha nok Roienha nok Rotkon Roiatatakenti.

131. *Oh nikarihoten tsi sakotennis ne Rotkon Roiatatakenti ?*

Sakowis onikonhratokenti, etho iawet naiakonikonhrotenhake tsini honikonhrotenne Iesos onwentsiak sireskwe.

132. *Akwekon ken sakowis netho naiakonikonhrotenhake ?*

Iahten ; tsi ok niakon nakwa iakoten-nikonhraseronni.

133. *Akwa katiken iotsennonniat naontatkentsiokhawe ?*

Akwa, aseken neskakwatakwas naiakotiesaton tsi iakotenekwaheston.

134. *Senha katiken ieianorons kariwiiostonkenonen iakotkentsiokha ?*

Senha ; aseken tsi sakawenhienarhon Ariyawakon wenhienatokenti, iiore onwe

neiatake tsi sakoiatarakwen ne Rawenniio, tsiniiot nakoskenrakehte, asteson aiakoteriiohake notkonseraksen.

135. *Kariwaksen katiken niahte iontsteristha nasakokentsiokhawe?*

Akwa kariwaksen, aseken tsiniiot niah-tiekaieri tsi iakoriwioston narekho teiakotkentsiokha; raonha Ariawakon ensakoieritse tsi iakoriwioston nensakokentsiokhawe.

136. *To naieiere naieriwaijerite tsi iakotkensio-kha.*

Akwa akonikonhrakwekon aiakoterientasonhonhake, aienrheke: tsinenwe enkonnheke, enkiatakennhaseke ne kariwioston kewennake keweiennake oni.

III. RONWANONWESTHA NIIO.

XIV. OIERI NIHAWENNAKE NE NIIO.

137. *To naieiere ne karonhiake aiontsennonni?*

Ahonwawennaieritseke ne Rawenniio, akonwawennaieritseke oni ne Kentiohkwtokenti.

138. *Toni hawennake ne Niio rawenniio tsi tionnhe ?*

Oieri : "Saiatat ok Niio hetsewenniios-tak."

§ 1. RAONHAA NIIO RONWANONWESTAKWA.

139. *Toni ioriwake ionkwannahs ne 1^{on} Niio raoewenna ?*

Kaieri: iakoriwiiostakon, iakorharekon, ronwanonwestha Niio nok aterennaien.

140. *Nahoten ne iakoriwiiostakon ?*

Iakoriwiiostakon konwaiats, tsi sakowis ne Rawenniio naontaiakawehtakon tsinikon sakorihotasienni nonkwe, ne ionkwarihonnienis Kentiohkwatokenti.

141. *Kanontkaien ne kontiriwakweniios ne Kentiohkwatokenti ionkwarihonnienis ?*

Ethonon ieioteroron tsi ierihoktha *Tewakehtakon Niio Roniha*, ne ronaterennaien-takserison Iesos ratikwekonne, sathonreni nonwentsiakwekon.

142. *Nahoten ne iakorharekon ?*

Iakorharekon konwaiats, tsi sakowis ne Rawenniio nakwah aiakorhareke tsini

sakorharatstenni, nasakoienawase ne karon-hiake aiontsennonni.

143. *Nahoten ne ronwanonwestha Niio ?*

Ne ronwanonwestha Niio konwaiats, tsi sakowis ne Rawenniio ne raonha ahonwanonwehake tsini hoianere, nok ne raonha raoriwake aiontatenonwehake ne sateia-konkwe tsi akaonha niiontatenonwes.

144. *Nahoten iakohtiawenratis ne 1^{on} Niio rao-wenna ?*

Aiakorihonti ne aonhaa kariwiioston.

145. *Nahoten iakohtiaweratiso ne 2^{on} Niio rao-wenna ?*

Asen niioriwake: 1^o ok sewatieren ahonwanaton ne Niio; 2^o aieriwhahnirate nonwen raosennakon ne Niio; 3^o iahtaiieriwierite othenon wahonwarharatsten ne Niio.

146. *Nahoten iakonnhas ne 3^{on} Niio raowenna ?*

Aiontorisen tsi iakoiote naiekweni ahonwawiseke ne rawennisera.

Asen ok niioriwake
Ne kontiriwakwenniios,
Watiesen n'aierihokten,
Eso iontsennonniatakwa.

Ne iakoriwiiostakon,
 Nok oni iakorharekon,
 Nok ronwanonwestha Niio,
 Iontatenonwestha nonkwe.

§ 2. TONTATENONWESTAKWA NONKWE.

147. *To nioriwake iakonnhas ne 4on Niio rao-wenna.*

Asen : aiontatenorонkwake, aiontate-wennarakwake nok aiontatiенawase nontatiенha nok ne iakoterihonte.

148. *Nahoten iakohtiawenratis ne 5on Niio raowenna ?*

Aiontatasete, aiontateriio, aiakonakwen, aiontatwen, nok aiontateriwanera-hakten.

149. *Nahoten iakohtiawenratis ne 6on nok 9on Niio Raowenna ?*

Tsinikon ne ioteriwatehat, ieweiennake, iewennake, ionnontonniontserake oni.

150. *Nahoten iakohtiawenratis ne 7on nok 10on Niio raowenna ?*

Aiontatewennioste, aiekaronni nakoren akowenk, nok oni aionskaneke etho naieiere.

151. *Nahoten iakohtiawenratis ne 8on Niio rao-wenna ?*

Onowen, kariwakatensera, kawennotatsera oni.

XV. 7 NIKAWEENNAKE NE KENTIOHKWA-TOKENTI.

152. *Nahoten konwaiats Kentiohkwatokenti ?*

Kentiohkwatokenti konwaiats ne raon-ha Iesos rotiohkwind, akotiohkawekon iakoriwioston teieiasontha, sakotsteristha Ariwawakonkowa ne ronwakowanen, Rati-riwawakonson ronwaienawasehaties.

153. *Iah ken taonton karonhiake aiontsennon-ni niahte ieiatare ne Iesos rotiohkwind ?*

Iah taonton, aseken nene aonhaa rotiohkwind, ratakwenniahieni ne raoiane-rensera.

154. *Toni kawennake ne Kentiohkwatokenti ?*

Tsiatak : “ Tsiatarak Ohaseratoken-tonke.”

155. *Nahoten iaweron ne Kentiohkwatokenti tsinikon ionkwatenientense ?*

Iaweron: enkheienawase naieriwaie-rite tsini hoianerenserison ne Rawenniio.

Oieri ni hawennake
 Ne Rawennio tsi tionnhe,
 Nok tsiatak nikawennake
 Nene Kentiohkwatokenti.

Sateseriwaieritsek ;
 Tosa satennikonhriokt;
 Karonhiake katke sonha
 Lotsennonniat iensatkatho.

XVI. KENHEION.

156. *Akwekon ken entewenheie ?*

Akwekon entewenheie, katke ki ok, ra-
 onha enthennton ne Rawennio.

157. *To nenioiatawen ne tewaieronke kenha ?*

Okenrokon enkonwaiatata.

158. *Iatenwatkonten ken nokenrokon ?*

Iahnen; tsi nensewatonwentsiarisi en-
 sewattonnhete.

159. *Enkenheie ken nonkwatonnhetston ?*

Iah ne nonwenton takenheie.

160. *Oh kati nenioiatawen nonen tenkiatekha-
 si ne tewaieronke kenha ?*

Raonha ne Rawennio ok sa ok ten-

haiatorete tsini ioriwaien ne kariwiio kari-waksen oni.

161. *Ka kati niienhenwe nonkwatonnhetston nonen tenhaiatoretakwenton ne Rawenniio ?*

Tokat karonhiake, tokat onwentsiakon, tokat oni tsi tetieseronniatha, kawenniio ki tsineniakotateriwatsenriase.

Enkiheie katke kiok,
Rawenniio enthennonton ;
Nok tenhnon enskatonnhete
N'entsiwatonwentsiarisi.

Karonhiake ne kaskaneks,
Onwentsiakon ne ketsanis,
Akwa oni ieronhiakens.
Tsi tetieseronniatha.

XVII. NONEN IAKAWENHEION.

162. *Onka ok sa ok karonhiake eniente neniai-heie ?*

Ne niah nonwenton teiakoriwaneren ; ne oni niakoriwanerennen, nok tsiakota-trewaton, akwa oni tetsiakoriwaserakwen, sekon onwentsiake siienskwe.

163. *Nahoten iontsennonniatakwa ne karon-hiake ?*

Ne iontsennonniatkwa tsi ronwakens ne Rawenniio, ronwanonwes oni iatekakonte.

164. *Onka onwentsiakon eniente ?*

Ne niakoriwanerahakskon ronwawen-nontion ne Rawenniio, nok iahtetsiakota-trewaton sekon onwentsiake tsi ienskwe.

165. *Nahoten teiontonnhakariatha niakoriwanerahakskon nonwentsiakon ?*

Ne teiontonnhakariatha 1° iakonikon-hranonwaktha tsi iakoriwaneren iahten tsi tensewaterisionhe ; 2° ne tsi ieiatakwekon wahontetsirate ; 3° ne tsi teiakotekhasion ne Rawenniio, iah tiiahonwaken, tenhnon ensakoswenseke.

166. *To nenwe teniontonnhakariaseke nonwentsiakon ?*

Tsinenwe enhronnheke ne Rawenniio ; iah kati nonwenton tataontaieiakenne, ase-ken iah nonwenton tiiahatonnhokten.

167. *Onka tsi tetieseronnaitha eniente ?*

Ne niakoriwioston kenha, arekho a-

kwekon tatetsiakoriwaserakwen tsini iako-
riwaneren sekon onwentsiake siienskwe.

168. *Nahoten ieronhiakentha ne iakotiaktani
tsi tetieserонniatha ?*

Ne ieronhiakentha tsi iahtehonwakens
ne Rawenniio, tiotkon ronwaiatisaks tsini
honwanonwes ; ne oni ieronhiakentha tsi
wahontetsirate ; katkeha sane entsionta-
tonko, karonhiake eniente.

Keronhiaken nonwentsiake
Takatentsa karonhiake,
Tosa iaake noneshon,
Otsirake iahte waswas.

Takrewat nonwa tsi ikes
Nonwentsiake, Sewenniio,
Nok tenhnon askitenrane
Nonen enkiheionsere.

IONTERENNAIENTAKWA.

Teieiasontha.

† Rasennakon Roniha, nok Roienga, nok Rotkon Roiatatakenti. Ethonaiawen.

Iesos roterennaientakserison.

Takwaienha ne karonhiake tesiteron; aiesasennaien; aiesawenniostake; aiesawennarakwake nonwentsiak tsiniot ne karonhiake tiesawennarakwa.

Takwanont ne kenwente iakionnhekoni atewenniserake ; sasanikonrhen nionkwariwaneren, tsiniot nii tsionkwanikonrhens othenon ionkinikonhraksaton nonkwe ; tosa aionkwasenni ne kariwaneren ; akwekon eren sawit niotaksense. Ethonaiawen.

Raronhiakeronon raowenna.

Wari, tektonorokwanions, ise tsiati ioianerenstakwa, Rawennio senikwekon,

sonhaa nakonnhetien tsini hiakonnienstha
ne Niio, Iesos oni hetsienha raonhaa tsini
honwasennaiens.

Wari saiatatokenti, Niio hetsienha, ta-
kwaterennaienhas ionkwariwanerahakskon
nonwa nok oni tsi nentiakwenheionsere.
Ethonaiawen.

Ratikwekonne raotiwenna.

Tewakehtakwen Niio Roniha, iah othe-
non tehonoronse, roteweiennonni karonhia
onwentsia oni.

Tewakehtakwen Iesos Kristos raonha-
tsiwa Niio Roienha Sonkwawenniio onkwe
rotonhon, ne roiatison Rotkon Roiatato-
kenti; Wari roteweton, iahte kanakwaien-
teri. Ethone si hoterihontakwe Konkwirat
ronwaiatskwe, roronghiakenhon ne Iesos,
ronwaiatanentakton tekaintannhareke, ra-
wenheion, ronwaiataten, onwentsiakon
iehohton, nok asenwatontha niwenniserake
shotonnheton. Karonhiake ieshawenonton,
etho kati nonwa ieshenteron tsi raweienteh-

takon ne Roniha iah othenon tehonoronse, tentesakciatoretane neniaconnheke nok oni niakowentaon.

Tewakehtakon oni ne Rotkon Roiatatkenti, kentiohkwaient Otiohkwatokenti onwentsiakwekon sakentiohkwat, iken teiontatseronniennis akoiatatokentison, sewaterakewas iakoriwaneren, entsiontonnhete niakowentaon, iatekakonte ientsiakonnheke. Ethonaiawen.

Tsiontateronkwennitha.

Niio, ise sewenniio tsi iakionnhe, iah othenon tesanoronse satontek ; ise oni Wari saiatatokenti iahte senakwaienteri, Wishe satkon seronhiakehronon, Sawatis saiatatokenti, Tier, Kor oni Iesos hetsiseniwenhawakwe, sewakwekon ne Sewatiatokenti karonhiake tisewanakere, ise oni hetseriwawase ne Sonkwawenniio Iesos, sewakwekon tsiatontek, onen wakeriwaiente-rene tsini wakeriwaneren kennontonnion-tserake, kewennake, keweiennake oni ; ii akeriwa, ii akeriwa, ii akeriwakowa. Onen

kati, Wari saiatatokenti iahte senakwaienteri, Wishe satkon seronhiakehronon, Sawatis saiatatokenti, Tier, Kor oni Iesos het-siseniennenhawakwe, sewakwekon Sewaiyatokenti karonhiake tisewanakere, ise oni hetseriwawase ne Sonkwawenniio Iesos, sewakwekon kwennitentase naskwateren-naienhase, aonsonterakewe tsi wakeriwaneren. Ethonaiawen.

Oieri nihawennake ne Niio.

1. Saiatat ok Niio hetsewenniostak, raonhatsiwa rawenniio tsi sonnhe.
2. Tosa hetsennaiesat Rawenniio raosen-na.
3. Satsterist iawentatokenton Niio rawen-nisera.
4. Shekonnienstak iesaienha, aionnise asonnheke.
5. Tosa sheiaset nonkwe.
6. Tosa satenakwaijesat.
7. Tosa senensko.
8. Tosa sheiennowenten.
9. Tosa saskaneksek kanakwaijesatsera.

10. Tosa saskaneksek akoren akowenk,
aserheke akenensko.

Tsiatak nikawennake ne Kentiohkwatokenti. 6

1. Tsiatarak ohaseratokentonke Niio rawenniserake, nok oni tsi iawentatokentase-
rons.

2. Satsterist iawentatokenton okonha.

3. Aonsaiesaronkwase arahonne enskat
tsini ioseres.

4. Ahiatienhase Iesos arahonne tsinon-
hatonnhete.

5. Satsterist iakawentontietha, kaieri ni-
iokwenhraron konwaiats, entakta ne wenta-
noronson, nok oni ne kaieri niwasontashen
karoha tsi nonsahatonnhet.

6. Tosa sewarak ronwaiatanentaktonne
wenniserate.

7. Aontaseriwaijerite othenon tentsenon-
weronniointake ne Rawenniio nensatonnisa-
hase.

Iakoriwiiostakon.

Sewenniio, tewakehtakon akwa oriwiio tsinikon ionkwarihonniennis ne Kentio-kwatokenti, aseken ise tisawenninekenhon niah taonton asen nowente.

Iakorharekon.

Sewenniio, akwah wakerhare nenskienawase tsinakiere ne karonhiake akatsennonni; ne enskitenrate tsini sonkwatsennonnianne ; ne Iesos, aseken etho niskwarharatstenni.

Ronwanonwestha Nio.

Sewenniio, sonhatsiwa konnonwes akenikonhrakwekon, aseken iahtiiiaehe we tsini saianere ; nok ise sariwake khenonwes akwekon nonkwe tsi nii nikatatenonwes.

Tsiontonnhakanonniatha.

Sewenniio, onen wakeriwai enterene tsini wakeriwaneren ; akwa tokenske iahtekatto-